

**- UPRAVNI ODBOR -**

Broj: 02-14-1/21

Sarajevo, 22. 04. 2021. godine

Z A P I S N I K**SA 42. ELEKTRONSKE SJEDNICE UPRAVNOG ODBORA INTEGRIRANOG
UNIVERZITETA U SARAJEVU
ODRŽANE 22. 04. 2021. GODINE S POČETKOM U 12:00 SATI**

Prisutni članovi Upravnog odbora (pozvani putem e-maila): predsjednik dr. sc. Murat Ramadanović, dr. sc. Mersiha Slipičević, gospodin Sifet Kukuruz, prof. ddr. Lidija Zvačko, prof. dr. Jasminka Gradašević-Sijerčić, prof. dr. Dijana Avdić, akad. prof. dr. Dejan Milošević, prof. dr. Kasim Bajrović, prof. dr. Abidin Deljanin i Hamza Vahid El-Din, predstavnik studenata.

Ostali prisutni (obaviješteni putem e-maila): prof. dr. Rifat Škrijelj, rektor Univerziteta u Sarajevu, prof. dr. Tarik Zaimović, prorektor za finansije, prof. dr. Dženana Husremović, prorektorica za nastavu i studentska pitanja, prof. dr. Mirza Dautbašić, prorektor za naučnoistraživački rad, prof. dr. Enita Nakaš, prorektorica za međunarodnu saradnju, prof. dr. Tamara Karača Beljak, prorektorica za umjetnost, umjetničkoistraživački rad, kulturu i sport, prof. dr. Dušanka Bošković, prorektorica za kvalitet, Kenan Filipović, generalni sekretar, gospodin Ekrem Čagalj, interni revizor, prof. dr. Sahrudin Sarajčić, izvršni direktor, Berina Smajlović, rukovoditeljica Službe za pravne poslove, i Belma Hajradinović, viša stručna saradnica za pravne poslove.

Elektronska sjednica je započela u 12:00 sati.

Sjednici su pristupili predsjednik i svi članovi Upravnog odbora Univerziteta u Sarajevu.

Sjednicom je predsjedavao dr. sc. Murat Ramadanović, predsjednik Upravnog odbora, na osnovu čije je saglasnosti, u skladu sa članom 9. stav (3) i članom 14. Poslovnika o radu Univerziteta u Sarajevu, članovima Upravnog odbora, putem e-maila, dostavljen poziv za održavanje 42. elektronske sjednice zakazane za četvrtak 22. 04. 2021. godine, sa naznakom termina izjašnjavanja od 12:00 do 16:00 sati.

Na osnovu izjašnjenja predsjednika i članova Upravnog odbora, uz osam (8) glasova „za“, Upravni odbor je usvojio dnevni red, kako *sljedi*:

DNEVNI RED

1. Usvajanje Zapisnika sa 40. elektronske sjednice Upravnog odbora Univerziteta u Sarajevu od 18. 03. 2021. godine i Zapisnika sa 41. elektronske sjednice Upravnog odbora Univerziteta u Sarajevu od 12. 04. 2021. godine
2. Projekt izgradnje i opremanja biblioteke Univerziteta u Sarajevu:
 - a) Informacija prorektora za finansije Univerziteta u Sarajevu o provođenju procedure pretkvalifikacije izvođača radova na projektu izgradnje i opremanja biblioteke Univerziteta u Sarajevu
 - b) Pretkvalifikacijski evaluacijski izvještaj Komisije za provođenje procedure pretkvalifikacije izvođača radova na projektu izgradnje i opremanja biblioteke Univerziteta u Sarajevu (*eng. Detailed evaluation report on prequalification application examination*)
3. Prijedlog Pravilnika o izmjenama i dopunama Pravilnika o unutrašnjoj organizaciji i sistematizaciji radnih mjesta Rektorata i podorganizacionih jedinica Univerziteta u Sarajevu
4. Zahtjev za tumačenje člana 3. Pravilnika o radu ovlaštenih registrara bosanskohercegovačkog nacionalnog internetskog domena .ba
5. Davanje saglasnosti rektoru Univerziteta u Sarajevu na zatvaranje poslovnih jedinica i prenos preostalih sredstava Centra za interdisciplinarne studije, programa ERMA, za period 2013–2018. godine
6. Davanje saglasnosti rektoru Univerziteta u Sarajevu na potpisivanje Ugovora o saradnji između Evropske investicijske banke (EIB), Vlade Kantona Sarajevo i Univerziteta u Sarajevu
7. Davanje saglasnosti dekanu Stomatološkog fakulteta sa klinikama Univerziteta u Sarajevu za zaključenje Ugovora o poslovno-tehničkoj saradnji sa Poliklinikom Fiziodent za ortodontiju, oralnu kirurgiju, dentalnu protetiku sa dentalnim laboratorijem iz Zagreba (Republika Hrvatska)
8. Davanje saglasnosti na dopunu Cjenovnika usluga Stomatološkog fakulteta sa klinikama Univerziteta u Sarajevu
9. Zahtjev prof. dr. Aide Hasanović, redovne profesorice na Medicinskom fakultetu Univerziteta u Sarajevu, za zaštitu prava
10. Molba Udruženja demobilisanih branilaca-veterana ARBiH za postavljanje spomen-ploče poginulim pripadnicima Vojne policije OS Bosne i Hercegovine
11. Informacije
 - a) Obavijest o dopunama dinamičkog plana Akademije scenskih umjetnosti, Ekonomskog fakulteta, Fakulteta zdravstvenih studija, Instituta za historiju i Prirodno-matematičkog fakulteta Univerziteta u Sarajevu
 - b) Dopis Federalnog tužilaštva u vezi sa stanjem sudske medicine u Federaciji BiH

TOK SJEDNICE

Ad-1.

Upravnom odboru su dostavljeni na usvajanje:

- Zapisnik sa 40. elektronske sjednice Upravnog odbora Univerziteta u Sarajevu od 18. 03. 2021. godine i
- Zapisnik sa 41. elektronske sjednice Upravnog odbora Univerziteta u Sarajevu od 12. 04. 2021. godine.

Upravni odbor je bez primjedbi, sa osam (8) glasova „za“, usvojio navedene zapisnike.

Ad-2.

Upravnom odboru Univerziteta u Sarajevu su u vezi sa projektom izgradnje i opremanja biblioteke Univerziteta u Sarajevu dostavljeni sljedeći akti na razmatranje:

- Informacija prorektora za finansije Univerziteta u Sarajevu o provođenju procedure pretkvalifikacije izvođača radova na projektu izgradnje i opremanja biblioteke Univerziteta u Sarajevu,
- Pretkvalifikacijski evaluacijski izvještaj Komisije za provođenje procedure pretkvalifikacije izvođača radova na projektu izgradnje i opremanja biblioteke Univerziteta u Sarajevu (*eng. Detailed evaluation report on prequalification application examination*).

S tim u vezi, Upravni odbor je sa osam (8) glasova donio *sljedeći*

ZAKLJUČAK

1. Upravni odbor prihvata Informaciju prorektora za finansije Univerziteta u Sarajevu broj: 0101-3636/21 od 16. 04. 2021. godine o realizaciji Zaključka Upravnog odbora broj: 02-51-12/20 od 19. 11. 2020. godine o provođenju procedure pretkvalifikacije izvođača radova na projektu izgradnje i opremanja biblioteke Univerziteta u Sarajevu.
2. Upravni odbor prihvata *Pretkvalifikacijski evaluacijski izvještaj* Komisije za provođenje procedure pretkvalifikacije izvođača radova na projektu izgradnje i opremanja biblioteke Univerziteta u Sarajevu (*eng. Detailed evaluation report on prequalification application examination*) broj: 0101-3271/21 od 05. 04. 2021. godine.

Ad-3.

Upravnom odboru Univerziteta u Sarajevu je dostavljen Prijedlog Pravilnika o izmjenama i dopunama Pravilnika o unutrašnjoj organizaciji i sistematizaciji radnih mjesta Rektorata i podorganizacionih jedinica Univerzitetu u Sarajevu na razmatranje i odlučivanje.¹

¹ U okviru tačke 3. prof. dr. Jasminka Gradašćević-Sijerčić je predložila da se izvrši korekcija datog prijedloga na sljedeći način:

odredbe člana 4-13. trebaju u tekstu stajati ispred odredbe člana 3. (prelazne i završne odredbe). U prelaznim i završnim odredbama iza člana 3. slijedi: „člana 12. i člana 14.“;

u članu 23. stav (2) riječi „se uređuju posebnim aktom Univerziteta“ mijenjaju se i glase:

„se uređuju ugovorom o međusobnim pravima, obavezama i odgovornostima u skladu sa općim aktima Univerziteta.“

U odnosu na dostavljeni Prijedlog Pravilnika Upravni odbor je sa osam (8) glasova „za“ donio *s l j e d e ć u*

ODLUKU

I

Upravni odbor Univerziteta u Sarajevu donosi Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Rektorata i podorganizacionih jedinica Univerziteta u Sarajevu, koji čini sastavni dio ove odluke.

II

Ova odluka stupa na snagu datumom donošenja, a Pravilnik iz stava I ove odluke stupa na snagu osmog dana od datuma njegovog objavljivanja na veb-stranici i oglasnoj ploči Univerziteta.

III

Obavezuju se stručne službe Univerziteta u Sarajevu da izrade prečišćeni tekst Pravilnika o unutrašnjoj organizaciji i sistematizaciji radnih mjesta Rektorata i podorganizacionih jedinica Univerziteta u Sarajevu.

Ad-4.

Upravni odbor Univerziteta u Sarajevu je razmatrao zahtjev za tumačenje člana 3. Pravilnika o radu ovlaštenih registrara bosanskohercegovačkog nacionalnog internetskog domena .ba. S tim u vezi, Upravni odbor je sa osam (8) glasova „za“ dao *s l j e d e ć e*

MIŠLJENJE

1. Upravni odbor Univerziteta u Sarajevu – razmatrajući zahtjev grupe pravnih lica i advokata u svojstvu registrara domena .ba od 31. 03. 2021. godine kojim se traži autentično tumačenje člana 3. Pravilnika o radu ovlaštenih registrara bosanskohercegovačkog nacionalnog internetskog domena .ba broj: 02-82/19 od 28. 06. 2019. godine (dalje: zahtjev) – konstatira da je u pogledu propisanih osnovnih uvjeta za stjecanje statusa ovlaštenog registrara neophodna registracija u odgovarajućem registru u Bosni i Hercegovini.
2. U odnosu na zahtjev iz tačke 1. ovog mišljenja, kao i na to da postojeća rješenja u Pravilniku nisu precizno utvrdila o kojoj registraciji je riječ, Upravni odbor Univerziteta u Sarajevu konstatira da je u postupku stjecanja statusa ovlaštenog registrara relevantan izvod iz sudskog registra Bosne i Hercegovine, te da samo pravna lica iz Bosne i Hercegovine mogu aplicirati za stjecanje statusa ovlaštenog registrara.

Ad-5.

Upravnom odboru dostavljen je Zahtjev prof. dr. Nihada Fejzića, direktora Centra za interdisciplinarnu studiju Univerziteta u Sarajevu, broj: 157/21 od 01. 04. 2021. godine, zaveden pod brojem: 0101-3249/21 od 05. 04. 2021. godine. U odnosu na isti Upravni odbor je sa osam (8) glasova „za“ donio *s l j e d e ć u*

ODLUKU

I

Daje se saglasnost rektoru Univerziteta u Sarajevu prof. dr. Rifatu Škrijelju za realizaciju procedure zatvaranja i prenosa preostalih sredstava sa podračuna programa ERMA 2013/2014. do ERMA 2017/2018. na podračun Centra za interdisciplinarnu studiju Univerziteta u Sarajevu, nakon izmirenja preostalih obaveza.

II

Za realizaciju ove odluke zadužuje se Služba za računovodstvo i finansije Univerziteta u Sarajevu.

III

Ad-6.

U okviru tačke 6. razmatran je usaglašeni prijedlog teksta Ugovora o saradnji između Evropske investicijske banke (EIB), Vlade Kantona Sarajevo i Univerziteta u Sarajevu. S tim u vezi, Upravni odbor je sa osam (8) glasova „za“ donio *s l j e d e ć u*

ODLUKU

I

Daje se saglasnost rektoru Univerziteta u Sarajevu prof. dr. Rifatu Škrijelju na potpisivanje Ugovora o saradnji između Evropske investicijske banke (EIB), Vlade Kantona Sarajevo i Univerziteta u Sarajevu.

II

Ovlašćuje se rektor Univerziteta u Sarajevu za realizaciju Ugovora iz tačke I ove odluke uz obavezu izvještavanja Upravnog odbora Univerziteta u Sarajevu o realizaciji istog.

III

Ova odluka stupa na snagu datumom donošenja.

Ad-7.

Upravni odbor je razmatrao prijedlog Vijeća Stomatološkog fakulteta sa klinikama Univerziteta u Sarajevu za zaključivanje Ugovora o poslovno-tehničkoj saradnji između Stomatološkog fakulteta sa klinikama Univerziteta u Sarajeva i Poliklinike Fiziodent za ortodonciju, oralnu kirurgiju, dentalnu protetiku sa dentalnim laboratorijem iz Zagreba (Republika Hrvatska) broj: 01-4-2-17-5/2021 od 05. 04. 2020. godine. S tim u vezi, Upravni odbor je sa osam (8) glasova „za“ donio *s l j e d e ć u*

ODLUKU

I

Daje se saglasnost dekanu Stomatološkog fakulteta sa klinikama Univerziteta u Sarajevu za zaključenje Ugovora o poslovno-tehničkoj saradnji između Stomatološkog fakulteta sa klinikama Univerziteta u Sarajeva i Poliklinike Fiziodent za ortodonciju, oralnu kirurgiju, dentalnu protetiku sa dentalnim laboratorijem iz Zagreba (Republika Hrvatska) i isti čini sastavni dio ove odluke.

II

Daje se ovlaštenje dekanu Stomatološkog fakulteta sa klinikama Univerziteta u Sarajevu da zaključi Ugovor iz tačke I ove odluke i potpisuje finansijsku dokumentaciju u cilju realizacije Ugovora i poštivanja ugovorenih obaveza.

III

Ova odluka stupa na snagu datumom donošenja.

Ad-8.

U okviru tačke 8. o prijedlogu dopune Cjenovnika stomatoloških zdravstvenih usluga katedri/klinika Stomatološkog fakulteta sa klinikama Univerziteta u Sarajevu, u dijelu Cjenovnika usluga Klinike i Katedre za ortodontiju, Upravni odbor je sa osam (8) glasova „za“ donio *s l j e d e ć u*

ODLUKU

I

Daje se saglasnost na dopunu Cjenovnika stomatoloških zdravstvenih usluga katedri/klinika Stomatološkog fakulteta sa klinikama Univerziteta u Sarajevu, u dijelu ***Cjenovnika usluga Klinike i Katedre za ortodontiju***, koja je utvrđena Odlukom Vijeća Stomatološkog fakulteta sa klinikama Univerziteta u Sarajevu broj: 01-4-2-18-12/2021 od 09. 04. 2021. godine.

II

Dopuna Cjenovnika usluga Stomatološkog fakulteta sa klinikama Univerziteta u Sarajevu čini sastavni dio ove odluke.

III

Ova odluka stupa na snagu datumom donošenja i primjenjivat će se do donošenja nove tarife zdravstvenih usluga Zavoda zdravstvenog osiguranja i reosiguranja Federacije Bosne i Hercegovine.

Ad-9.

Upravni odbor je razmatrao zahtjev prof. dr. Aide Hasanović, redovne profesorice na Medicinskom fakultetu Univerziteta u Sarajevu, za zaštitu prava i u odnosu na isti sa osam (8) glasova „za“ donio *s l j e d e ć e²*

ZAKLJUČKE

1. U pogledu navoda naznačenih u zahtjevu prof. dr. Aide Hasanović, Upravni odbor konstatira da su prava i obaveze šefa katedre uređena općim i pojedinačnim aktima Medicinskog fakulteta Univerziteta u Sarajevu. U spomenutim propisima je naznačeno da šef katedre *neposredno* rukovodi radom katedre u nastavnom procesu rada, organizacije, usklađuje i koordinira proces nastave, ispita, vježbi, kolokvija i drugih nastavnih aktivnosti, čime se u konkretnom slučaju postupilo u skladu sa važećim propisima.

² U okviru dostavljenog prijedloga akta prof. dr. Jasminka Gradašćević-Sijerčić je predložila da tačka 2. bude tačka 3, a da tačka 3. bude tačka 2, te je izmijenjen i postojeći stav 4.

2. Upravni odbor naznačuje da Medicinski fakultet kao organizaciona jedinica postupa u skladu i sa principom *autonomije*, koji joj omogućavaju unutrašnju organizaciju u skladu sa zakonom, općim i pojedinačnim aktima, te odlučivanje o pitanjima iz okvira svog djelokruga.
3. Uzimajući u obzir prethodno naznačeno, kao i cijeneći dostavljenu dokumentaciju podnositeljice prof. dr. Aide Hasanović, Upravni odbor konstatira da nije moguće utvrditi različit tretman u odnosu na osobu sa kojom je podnositeljica u usporedivom položaju zbog pravom zabranjenog osnova razlikovanja kao bitnog elementa diskriminacije.
4. Upravni odbor podsjeća da ono što razlikuje diskriminaciju od drugih oblika kršenja prava jeste postojanje različitog tretmana, koje je usko vezano za postojanje zabranjenog osnova. Bez utvrđivanja određenog ili odredivog osnova za diskriminaciju ne može se smatrati da diskriminacija postoji. Diskriminacija sadrži niz elemenata koji moraju biti utvrđeni, kako bi se različite pojave definirale kao diskriminacija. Ključni segment svakog oblika diskriminacije je upravo različito postupanje, odnosno utvrđivanje da se osobi ili grupi osoba onemogućava ili ugrožava priznavanje, uživanje ili ostvarivanje određenog prava i/ili slobode isključivo zbog karakteristika te osobe ili grupe, a isto se ne bi desilo osobi ili grupi koja nema te karakteristike.

Ad-10.

Upravni odbor je razmatrao molbu Udruženja demobilisanih branilaca-veterana ARBiH za postavljanje spomen-ploče poginulim pripadnicima Vojne policije OS Bosne i Hercegovine. S tim u vezi, Upravni odbor je sa osam (8) glasova „za“ donio *s l j e d e ć i*

Z A K L J U Č A K

1. Podržava se molba Udruženja demobilisanih branilaca-veterana ARBiH, kojom se od Univerziteta u Sarajevu traži saglasnost radi postavljanja spomen-ploče poginulim pripadnicima Vojne policije OS Bosne i Hercegovine na objektu kojim raspolaže Univerzitet u Sarajevu u Radićevoj ulici br. 6 i predlaže pokretanje procedure u skladu sa važećim propisima.
2. U pogledu poduzimanja predstojećih aktivnosti, Upravni odbor Univerziteta u Sarajevu sugerira da se u daljnjoj proceduri izvrši provjera imovinsko-pravnih odnosa i, u vezi s tim, pribavi kompletna dokumentacija koja se odnosi na predmetnu lokaciju.
3. Nadalje, Upravni odbor sugerira da se postupi prema članu 37. Zakona o visokom obrazovanju („Službene novine Kantona Sarajevo“, br.: 33/17, 35/20 i 40/20), prema kojem je Univerzitet obavezan prije donošenja odluka koje se odnose na bilo koji vid opterećenja imovine – bilo da je riječ o imovini Univerziteta ili osnivača – pribaviti prethodnu saglasnost Pravobranilaštva Kantona Sarajevo.

Ad-11. Informacije

1. Obavijest o dopunama dinamičkog plana Akademije scenskih umjetnosti, Ekonomskog fakulteta, Fakulteta zdravstvenih studija, Instituta za historiju i Prirodno-matematičkog fakulteta Univerziteta u Sarajevu *prima se k znanju*.

2. Dopis Federalnog tužilaštva u vezi sa stanjem sudske medicine u Federaciji BiH
Upravni odbor Univerziteta u Sarajevu je upoznat sa dopisom Federalnog tužilaštva broj:
A-142/21 od 30. 03. 2021. godine u vezi sa stanjem sudske medicine u Federaciji BiH.

Sjednica je završena u 16:00 sati.

Sastavni dio ovog zapisnika čini ispis poruka elektronske pošte predsjednika i članova
Upravnog odbora. Gospodin Sifet Kukuruz i predstavnik studenata nisu se izjasnili ni po
jednoj tački dnevnog reda.

**PREDSJEDNIK
UPRAVNOG ODBORA**

Dr. sc. Murat Ramadanović

Zapisničar:

Belma Hajradinović, MA prava

Služba za pravne poslove



188